

法制

陸軍部規定入伍生隊條例

第一章 總則

第一條 本隊命名爲陸軍入伍生隊卒業後升入軍官學校

第二條 本隊學生年齡十八歲以上二十五歲以下體格強壯曾在普通中學堂畢業（及有中學畢業相當之程度者）試驗及第者方爲合格

第三條 入伍生在隊期滿由總隊長督同各科隊長營長連長嚴加試驗將其成績品行彙送軍官學校以備查核

第四條 入伍生在隊一年分爲三期第一期充一等兵階級六月第二期進充上等兵階級三月第三期進充下士階級三個月期滿進充中士階級升送軍官學堂

第五條 入伍生服裝以兵士階級爲準惟於領章左右綴十八星旗章一顆以爲特別

徽記

第六條 入伍生如犯有左列之事項卽行開除

一紊亂軍紀違犯規則及品行不正者

一學力缺乏不堪爲入伍生者

一將來無軍官之希望者

一有疾病傷痍不堪服役者

第二章 編制

第七條 本隊編制除本部外所有各兵科入伍生編制按照學生人數多寡由陸軍部

部長酌定飭遵

第八條 隊本部編制總隊長（右將軍）一員步騎砲工輜重各兵科隊長（大左）（都

尉）各一員副官一員二等軍醫長一員二等軍醫一員司藥一員二等軍需

長一員二等軍需一員書記四員司書四名

第三章 教育

第九條 入伍生入隊後分編各兵科按所充階級服習各種勤務并授以軍事學術尤

以鼓鑄其堅確之志操陶冶其高潔之品性以養成他日干城之選

第十條 入伍生之教育既分三期其各期教育應按照其階級分別教授以資歷練
第十一條 軍事學術課之餘暇應使其補習普通學由各軍官擔任教授
第十二條 爲催促入伍生學術之進步計并施行將校團及下級幹部之教育

第四章 職務

- 第十三條 總隊長統轄及命令全隊教育內務軍紀風紀並衛生經理事宜
第十四條 總隊長直隸陸軍部得以開除學生但事後須報部存案
第十五條 各兵科隊長稟承總隊長掌管各營連之教育內務以及學生之軍紀風紀
第十六條 各營長及獨立連長均承各科隊長之命令掌理各營連教育內務
第十七條 二等軍需長承總隊長命令指揮各軍醫掌理全隊衛生事宜
第十八條 二等軍需長承總隊長命令指揮各軍需掌理全隊衛生事宜



大總統咨參議院在稽勳局內設捐輸調查科文

民國建國爲十數年來志士之血所沃成此國人所公認前已咨請貴院建議設立稽勳

局詳細調查分別等次量予賞恤發揚國光表彰潛德爲目下切要之圖貴院定表同意惟義旗之舉必有所資誅鋤民賊非可徒手或助餉於光復之日或輸資於暗殺之辰毀家紓難實無以異於殺身成仁在當日黨人籌措軍債曾許償還雖出資者以義忘利而民國坐享成功莫爲之報何以昭大信而勸方來本總統以爲稽勳局內可附設一捐輸調查科專調查光復前後輸資人民其持有證券來局呈報或由他項方法確實證明者就其輸助金額給以公債票爲此咨請貴院歸併前案早日議決咨覆以便施行

司法部咨各都督調查裁判檢察廳及監獄文

爲咨行事本部成立擬實行司法獨立改良全國裁判所及監獄以保護人民生命財產亟應統籌全局力圖進步現正督飭各職員分科辦理惟當民國初建百度維新本部既無卷案可稽礙難懸揣且各省自光復以後關於司法事務之辦法多不一致自非調查明確不足以謀司法之改良而增國民之幸福除特飭員擬就裁判所及監獄調查兩表式附文咨送外相應請貴都督轉飭所屬各府廳州縣將所有審判檢察各廳及監獄已成立若干處按表式分別填報其未成立者亦應規仿新制趕速設置總期逐漸改良達

完善之域一掃從前黑暗時代之惡習除電達並分行外爲此備文咨行貴都督請煩查照施行須至咨者

財政部咨各都督劃分收支命令機關與現金出納機關權限文

爲咨請事照得財政首在杜絕弊混而杜絕弊混又必先自劃分收支命令機關與現金出納機關始各國管理現金均委之金庫惟民國成立爲時未久金庫制度尙未釐定勢難一蹴而躋完善本部參酌現在情形暫命庫務司爲現金出納機關會計司爲收支命令機關使之互相對待互相監督以爲急則治標之計但中央財權現時未能統一各省尙有直接自行收支之欺相應咨請貴省查照將收支命令機關與現金出納機關劃分權限俾清職守而歸劃一須至咨者

內務部擬定公文用摺及封套式樣咨各部暨各都督文

臨時政府成立庶政更新卽公文一項亦宜有一定之格式除將公文章式頒發外茲更擬定公文用摺及公文封套之式樣頒行各處希卽照用俾成一律而免紛歧此咨

附公文用摺及封套樣

咨文式

(蓋印)

咨

某職咨

(叙事)

某職名及姓名

此咨

(蓋私印)

某姓名

(蓋印)

中華民國 年 月 日

令文式

(蓋印)

令

某職令

(敘事)

某職名姓名

(蓋印)

中華民國 年 月 日

此令

(蓋私印)

某姓名

照會文式

(蓋印)

照會

某職照會

(叙事)

某職姓名

某職照會

(蓋私印)

某姓名

(蓋印)

中華民國

年

月

日

呈式

(蓋印)
呈

某職呈

(叙事)

某職名及姓

(蓋印)

中華民國 年 月 日

臨時政府公報

咨

第二十三號

(蓋私印)
某姓名

此呈

(0489)

九

諭式

(蓋印)

諭

某職諭

(叙事)

某職名姓名

(蓋印)

中華民國

年

月

日

(蓋私印)

某姓名

此諭

一 文式勿論何項公文不限頁數隨文而止

一 行式除首尾職名人名及敘事中應行另提勿論外其敘事終了處即緊接此諭此咨等字樣

一 字式凡在咨諭照會令等文其摺面之咨諭等字及摺內職名人名各字均比敘事字約大一倍在呈文則一律相等

公文封套式

內 件 送 呈

某處某官廳

某 官 姓 名

啓

某官廳緘

中華民國 元 年 月 日 時

發

注意

- 一 內字下填式別件字上填件數送字上填專差或郵送
- 二 凡呈文填某官姓不書名
- 三 裏面之上下封口均蓋印



大總統令陸軍內務兩部通飭所屬嗣後查封房屋及借民房辦公分

別飭咨南京府知事文

據南京府知事呈稱竊維民胥望治閭閻首責保安官有專司政令必須統一當京畿光復之初各軍隊封存房屋作為辦公駐軍之用者不過一時權宜之計原非得已今秩序日漸恢復亟宜力圖治安凡假託名義擅自查封房屋搜抄家產諸弊端必須切實防杜知事職司行政視事伊始凡對於江甯上元兩縣人民之財產自當首先完全保護何敢瞻徇玩忽至使地方於干戈之後再有擾害之虞茲為公安起見理合呈請大總統鑒核俯賜通飭各部暨駐甯各軍隊嗣後如遇有須查封之房屋及借民房辦公者可分別飭咨知事就近派員查明發封以安人心而維大局等情前來查財產之重等於生命光復之始大敵當前軍情危迫對於人民財產保護或不無疎虞徵取亦多無限制現在南北統一革命事業完全告成勞來安集諸待經營一夫不獲公僕有責該知事所請甚為切要之圖應即照准合行令仰該部遵照辦理可也

大總統批旅滬甘肅同鄉會康新民等公舉岑春萱爲甘肅都督由

自民國成立以來憲法尙未規定各省都督皆由自舉今甘省旅滬同鄉會決議舉岑西林爲甘省都督於事理實屬可行惟必本省贊成之人多數同意允擔任籌備進行經費及先商請岑西林允肯就任本總統乃能發給委任狀以委任之此批

內務部注重春耕通告各省電文

武昌黎副總統各省都督均鑒戰端既弭民事宜先茲值春耕伊始誠恐人民因轉徙流離荒棄農業則春耕既未盡力秋收必受影響祈速令各地方官出示通告俾各安心樂業注重民事則生計得免困蹙而國庫賴以增加民國前途幸甚內務部印

財政部在上海添設本部軍用鈔票兌現處示

照得本部前在南京發行軍用鈔票信用昭著現已一律通行除在南京中國銀行內附設本部軍用鈔票兌現處外茲爲謀商民利便起見定於本月二十三日在上海三馬路中國銀行內再附設本部軍用鈔票兌現處倘有持票赴滬欲兌現洋者可在此處兌換以廣流通而昭信用此示

內務部令南京府知事調查前設旗產調查處由

自南京克復以後對於旗民公私產業前曾設有旗產調查處從事辦理惟當日臨時政府尙未組織完密一切行政多涉分歧未能統一查此項調查旗產事宜原應歸本部管理現在南北既經統一務合漢滿蒙回藏爲一大民族所有旗民生計尤宜急爲籌畫合亟令行該府迅即前往密查該處開辦以來所有調查方法是否完善主辦人員是否得力諸凡待查事件目前已否就緒仰即逐一查明尅日據實呈報毋稍瞻顧切切此令

內務部批江甯商會請核辦沈步昭等酌議保護房產辦法呈

此案前據沈步昭等擬具條陳呈請核辦已批令南京府知事會同該總會參酌妥議速定辦法在案據陳前情暫准備案一面即由該總會逕行呈請南京府知事妥議覆奪示遵可也此批

陸軍部招考入伍生隊示

爲招考事照得本部爲注重軍事起見特創辦入伍生隊專收中學畢業之志願爲軍人者授以完全軍士教育卒業後升入軍官學校以備各軍隊將官之選所有此項入伍生

隊組織辦法除另訂專章外合行出示招考俾衆週知爲此仰全國學生知悉如具有後開資格而志願軍學者應卽妥覓保人備具相片從二月二十五日起至四月初十日止前往南京江甯府入伍生隊報名聽候示期試驗幸勿自悞以副本部教育人材之至意也切切特示


計開投考資格如下

一年齡 十八歲以上二十五歲以下

一程度 中學畢業及有中學畢業之相當程度者

一體格 強健無暗疾視力充足者

一考驗科目 國文 代數 幾何 三角 物理 化學



外交部爲和屬華僑被和官虐待致海牙中國公使電文

中國駐和公使鑒接和屬巴城泗水朝埠華僑電稱各該處僑民慶祝民國統一大典和官干涉撕爛國旗傷殺擄禁多人封報社禁通電迨全體罷市復被威嚇開店危急待救

等語似此橫暴實傷中和兩國交誼除電袁總統與和使力爭外希向和政府嚴重交涉
外交部漾

外交部爲和屬華僑被和官虐待致新選大總統袁電文

北京新選大總統袁鈞鑒頃接荷屬巴達維亞電稱華僑全體刪日升旗補祝大典荷官
派馬隊強迫下旗并撕爛國旗無數刺傷數人擄人數十事關國體民命懇速交涉并復
辦法巴城華僑全體叩等語請速就近向荷使交涉以存國體而慰僑望外交部長王寵
惠叩個

外交部爲和官橫暴事覆巴達維亞華僑電文

刪電悉已盡力向荷使交涉王寵惠簡

外交部爲和官橫暴事再致新選大總統袁電文

北京新選大總統袁鈞鑒頃接和屬孟嘉錫僑民代表宏遠號電稱朝埠數日升旗補祝
慶典和官強奪國旗拘捕僑民辱國實甚乞鼎力交涉等語請查照個電併案交涉外交
部總長王寵惠叩禱

外交部爲和官橫暴事三致新選大總統袁電文

北京新選大總統袁鈞鑒頃接上海華僑聯合會電稱接瓜哇泗水埠來電舊歷元月一日因升旗燃炮事與荷警察爭執鬧起風潮當場被鎗斃三命重傷十餘人擄禁百餘人書報社被封外埠來電被截荷兵日日亂擄全體罷市抵制復以兵力嚇嚇店事在危急乞速解決對付否則民不聊生云云乞設法拯救華僑聯合會叩等語華僑在荷屬舉行慶典並無不合荷官無理干涉至於斃傷人命擄禁多人封閉報社斷截交通種種橫暴實屬有傷中荷兩國交誼乞向荷使嚴重交涉并先見復切盼外交部總長王寵惠叩

雜報

教育部通告

本部現因學校令尙未頒布故於辦理學校之人到部呈請立案者一概從緩批准誠恐外間或有誤會爲此登報聲明嗣後學校經本部批准立案者必以登載公報有准予立案字樣者爲憑此布



臨時政府公報 附錄

中華民國元年二月二十七日星期一
二 隨報附出 不另收費

電報

孫大總統鑒養電悉譚都督無過險事特覆元洪漾叩

(武昌來電四十一)

甯孫大總統鑒和議期內清兵違約襲諸城大肆劫掠殺民軍平民四百餘曾經何日密電陸軍部近退位詔下仍借口搜匪劫奪鄉城商紳捕去平民若干立殺剪髮學生五人迫捐抄沒兇橫已極祈速設法禁止諸城議事會員臧伯堦等公叩

(青島來電四十二)

孫大總統暨參議院鑒東撫張廣建與警道吳炳湘朋比肆虐倒行逆施封報館禁議會仇殺黨人摧辱士紳於宣布共和後之二十五至三十等日諸城一帶捕殺民黨數人縱兵殃民淫威慘酷近復運動袁新總統覬覦都督東人誓死不承認我胡都督瑛魯東西各郡縣一體歡迎懇速電促胡都督來濟統一政權以甦民困不勝迫切待命之至東全省商會教育會紳學界各團體暨居烟各界公叩

(烟台來電四十三)

南京孫大總統鑒鄂省自起義以來血戰數十日尸骸枕藉傷殘無算幸賴中華紅十字會在武漢設立臨時醫院救治被傷兵士並施掩埋茲查該會已由日本赤十字社長松方侯爵特派法學博士有賀長雄來滬商榷修改會章復承日本介紹得邀萬國紅十字聯合會公認該會爲中華民國正式紅十字會此次民軍起義東西南北各省均設立分會共五十餘處所費不資其功甚巨如此熱心慈善事業似不可不特別表彰伏懇准予立案揭諸報章以資提倡而重誠感是爲至要元洪簡

(武昌來電四十四)

南京大總統各部總次長參議院武昌黎副總統各省都督各軍司令各軍政分府公鑒頃准北京蒙古聯合會電開本會前次養電已得直豫晉魯蘇各省暨伍代表孫中山先生黎宋卿復電均表同意茲由本會備文陳請項城袁公其文如下天佑吾國賴公之力確定共和際此建設方新非得聲威顯著之人不足當統理南北政府之任我公於大局事始終苦心孤詣不恤疑謗不避險艱卒能措天下於泰山之安躋五族於和平之域功在寰宇德在生民凡屬有知同深推戴查蒙古各部因時艱孔棘外侮方滋本會同人等前次欽仰我公威德知必拯此橫流是以聯合同人力爲維護不令於共和一舉別生異

議現大局猶定自請我公仍任其艱難免生枝節現已通電各處由本會代表全蒙推公爲統一政府臨時大總統謹再代表全蒙具函陳請務懇我公力任天下之重以繫衆心俾同人等亦可藉手助籌綏馭蒙疆各務臨穎不勝翹盼謹祝幸福蒙古王公聯合會等因特達陳其美叩簡印

(上海來電三十三)

大總統副總統各部總次長及各省都督均鑒本省派張耀會顧視輿席聘臣爲中央參議員特此佈聞滇都督蔡鍔蒸印

(三十八)

大總統參議院各部總長各省都督均鑒敝省前派參議院職員王善達君業經辭職刻已改派胡紹斌君特此電達卽希查照皖都督孫統筠禱

(三十九)

孫大總統鑒電悉查晉省駐兵係由英義使特請保護洋人如因撤兵稍生擾攘其責甚重故不得不慎重晉省諮議局及國民公會擬令閩軍駐忻州而又有少數人請回駐者所請不協無所適從已派員偕同晉紳赴晉查明情形妥商辦法否則共和一致何苦勞師糜餉常皮瘡區無非欲保全秩序爲地方謀幸福耳如謂薄於晉省未免誤會太甚晉省業已糜爛不堪深望諸士民協力保全桑梓使民人早得安樂又何必妄逞意見貽害鄉里耶以上云云祈公代轉是幸袁世凱養

(北京來電三十四)

大總統外交部參議院鑒頃接爪哇泗水埠來電錄呈汪會長鑒萬急舊歷元月二日因

升旂燃炮事與荷警察爭執鬧起風潮當場被擄斃三命重傷十餘人擄禁百餘人書報社被封外埠來電被截荷兵日日亂虜全體罷市抵制爭以兵力嚇開店事在危急乞速解決對付否則民不聊生云乞設法拯救華僑聯合會叩

(上海來電三十五)

孫大總統黃元帥兩會長先生鑒民國成立滄海歡慶兩公艱難險阻暨諸同志喋血捐軀以有今日固同胞之幸吾黨亦與有光榮也此間蜀軍獨立締造仍多係同人四方黨員來歸日衆羣思北伐以清虜孽願維光復之始百政待興雖復天下爲公不矜同異然未有國民而無政黨組合者以數十年結合堅固之盟一旦聽其消散接之事理竊有未安且北虜一日未滅同人仔肩一日未卸設施種種復須盡力而義旗既張無所秘守可否即以本會改爲政黨聯結大羣贊揚民政既泯狹義自私之嫌復收集思廣益之效唯茲事體大本部已否籌有正當辦法四川一隅未便自行歧異用特專電請示名稱宗旨選格懇一一詳覆以便祇遵無任翹企待命之至同盟會四川支部臨時幹事楊庶堪石運光黃金鰲龔廷棟叩印

(四川來電三十七)

南京孫總統鈞鑒盛復電云廢約事正商三井據稱三井與甯政府所定之約易廢至公

司合辦草約須即開股東會議決再廢動叩

陸軍部黃總長鑒陸密湘省十分安穩毫無亂事頃閱馮日陸密特覆延闕敬叩

(長沙來電)

總統府印鑄局工廠開工廣告

本局昨奉

大總統命令已將南洋印刷工廠收歸印鑄局管理故定名曰印鑄局工廠茲已將貨料購製完備定於初五日開工所有印刷物品不特可供國家之取用而報商各界如有願交易者請隨時到廠與營業科接洽庶不至誤至各品價目均係斟酌至當無論何人決不欺飾特此佈告俾衆咸知

黃復生
彭丕所 謹白

總統府秘書處廣告

現於本府東西柵門外設立揭示處凡來本府投遞呈件者分別事項量予批答揭示該處以三日爲限過期揭去嗣後凡來本府投遞呈件人等希一體知照總統府秘書處白

教育部徵集國歌廣告

國歌所以代表國家之性質發揚人民之精神其關係至大今者民國成立尙未有美善之國歌以供國民諷誦良用慙焉本部現擬徵集歌譜俟取材較多再敦請精於斯學者共同審定頒行全國儻蒙海內音樂名家制作曲譜並附歌詞郵寄本部不勝企盼之至

教育部謹啟

●本報廣告●

查公報官報等體裁多於正報而外有號外附錄以爲登載法律命令以外之件如草案電報議會速記錄等類本報開辦伊始法制院所訂草案尙未經參議院議決故門類從權暫定茲特於第十一號以後附出號外雜錄各件以備觀覽前者編輯員誤登閩都督原件如有號外附錄則似無此種屬雜之患也

特 白

●本報特白●

本報開辦伊始趕急排印出版手民過於動勞茲定星期一休息一天

印鑄局工廠發行所廣告

(住花牌樓吉祥街)

本局發行所接收伊始所有從前刷印兵學操典及信箋摺券各項現以民國成立各界購用者甚夥刻經酌定減價統限大洋七折出售若有購至二十元以上者以六折計算如承

賜顧無不竭誠歡迎但所存無多切須爭先購買幸毋觀望自誤

印鑄局謹白

本報暫定則例

- 一 本報爲臨時政府刊行故定名爲臨時政府公報
- 二 本報以宣布法令發表中央及各地政事爲主旨
- 三 本報暫定門類六曰法制曰令示曰紀事曰電報曰抄譯外報曰雜報
其子目見前

四 本報日出一冊如遇國家紀念日星期日政府停止辦公時本報亦休刊一日

五 政府對於各地所發令示或宣布法律凡載登本報者公文未到以本報到後爲有效

六 凡各官署皆有購閱本報之義務唯具印文請領者皆照定價五折徵

納餘另詳前價目表

本報白

本報局設在大總統府內

總發行南京花牌樓太平街四號

分售處南京中華報

南京中正街昇平橋易安精舍

外埠經售處

鎮江 興漢日報

常州 大街老王大昌

蘇州 城內因果巷四十一號許宅

上海 民立報

大共和報

時報

申報

新聞報

天譯報

時事新報

啓民愛國報

神州報

中外日報

上海寶善街公順里仁和號

蕪湖 民立報分館

廣州 中國日報

香港 軍事報

天津 民憲報

舊金山 大同報

中西報

少年報

自由新報

檀香山

印刷所 臨時政府印鑄局工廠